



Uhapšene četiri osobe zbog trgovine ljudima

Prodao 13-godišnju kćerku, koja je prisiljena na udaju i prosjačenje

Nedžad Arapović i Senada Imširović kupili od Suada Tahirovića njegovu kćerku, a zatim organizirali udaju djevojčice za Zlatka Beganovića

Policijski službenici Državne agencije za istrage i zaštitu (SIPA), zajedno sa službenicima Policije Brčko Distrikta BiH, jučer su realizirali operativnu akciju "Jezero", kada su uhapšene četiri osobe.

Odluka o pritvoru

- Na osnovu naredbe postupajućeg tužioca Tužilaštva Brčko Distrikta, slobode su lišene četiri osobe. Radi se o N. A. (41), S. I. (41) i S. T. (33) zbog postojanja osnovna sumnje da su počinili krivično djelo trgovina ljudima iz člana 207a u vezi s članom 31. saizvršilaštvo Krivičnog zakona Brčko Distrikta BiH.

Nakon udaje, djevojčica je radno iskorištavana i prisiljavana na prosjačenje. Svih četvero uhapšenih su romske nacionalisti, a nastanjeni su na području Brčkog i Tuzle. Uhapšena je i osoba Z. B. (20), koja se dovodi u vezu s izvršenjem krivičnog djela vanbračna zajednica sa mladim maloljetnikom iz člana 213. Krivičnog



Uhapšeni privedeni u Terenski ured SIPA-e u Tuzli

zakona Brčko Distrikta BiH - navedeno je u saopćenju SIPA-e.

Uhapšene osobe privedene su u službene prostorije SIPA-e u Tuzli i Policije Brčko Distrikta u Brčkom, gdje će nad njima biti iz-

vršena kriminalistička obrada.

Po završetku obrade, postupajući tužilac Tužilaštva Brčko Distrikta odlučit će o eventualnom određivanju pritvora.

Dvoje posrednika

Nezvanično saznajemo da su Nedžad Arapović i Senada Imširović kupili od

Suada Tahirovića njegovu 13-godišnju kćerku, a zatim organizirali njenu udaju za Zlatka Beganovića.

Nakon udaje, djevojčica je radno iskorištavana i prisiljavana na prosjačenje. Svih četvero uhapšenih su romske nacionalisti, a nastanjeni su na području Brčkog i Tuzle.

S. ZAHIROVIĆ